

docriver 文川网  
古籍书城  
入驻商家  
获取更多电子书  
在文川网搜索古籍书城

k29  
H89  
377

中國方志叢書·第七十七號

據 民國董秉清等修王紹沂纂  
民國十一年鉛印本 影印

福建省

# 永泰縣志

(全)

sk19/ok

成文出版社印行



中華民國五十六年十二月臺一版

# 永泰縣志

全一冊

定價：新台幣二四〇元正

發行人：黃成助

臺北郵政信箱二二六〇五號

出版者：成文出版社

臺北郵政信箱二二六〇五號  
電話：九二二〇一〇號

印刷者：正大印製廠

三重市長生街二號之一

內政部登記證內版臺業字第一一四七號

版權所有

# 中國方志叢書導言

## 論方志在史籍中的地位及功用

論我國史籍的源流，要以尚書和春秋最古。章學誠（一七三八—一八〇二）有六經皆史的說法，認為古人未嘗離事而言理，六經皆是先王的政典。龔自珍（一七九二—一八四一）認為六經是周史的宗子。易經是卜筮的史，書經是記言的史，春秋是記事。國風是史官採自民間的詩而要付之可樂的，雅頌是史官採自士大夫的，禮記是一代的律令，皆歸史官守藏。這樣看來，都是與史有緣的。參證後來把會典、通典、通考各種專記律令文獻的著作，也列入史籍，適足說明我們要研究社會全面文化的時候，自然會擴大史料的徵集範圍。否則，只能局限在政治史的小圈子裡。無論如何，依今日圖書分類愈趨精密的眼光來看，尚書和春秋，總該是上古的珍貴史籍。

自從漢代司馬遷作史記，班固父子作漢書，一般人的觀念中便有經和史的分辨。魏晉南北朝以至唐初，私家修史的風氣大開，詩賦雜說，論著更多，彙存的書籍越來越豐富。本來根據內容把圖書分類列為七略，到了晉時又有四部的劃分。把兵書、方技、術數併入子部，詩賦歸入集部，成為經、史、子、集四部。這種分類的意義，好像是說，經是民族的大本原，史是社會文化發展的跡象，子是個人發掘的理性，集是個人自由精神的感情表現。經史高高在上，冥冥中鑄成東方文化注重通貫綜合的學術精神特色，只求互相涵攝並存，蔑視抽象的分派對立，技藝在學術上不被尊重，於是文人學士把經史纏在一起，甚至文史也弄得分拆不開。一直傳沿到清代乾隆開館重整四庫，分類仍然照舊，史部中羅列了十五類子目，而方志只有一五〇種。史籍雖然很多，後人却終不能整編歸納成一部完備而有系統的中國通史和文化史。試看民國十九年瞿兌之在方志考稿序中嘆道：「吾國人之不能認識了解吾民族性者蓋有由矣，無真史故也。史不能明全體社會活動之迹，而徒措意於一二人之殊功美行，亦猶乎吾曹今日但知環吾左右者之思想行動大抵相同，而不知距吾曹稍遠者其思想行動乃膠附於數百千年之前而少所變也。」又余紹宋也在方志考稿序三中概說：「今者國史之業，既無專司，而著作體裁亦宜畧變。必當參用通志之例，廣載各地方社會情形，而不能偏重於中央政治，乃事理之當然，亦時勢所必至，若是則有賴於方志者益多。近世以來，政治凌夷，雖屢變而不能中理合度協於人情，國事蹇，職是之由。」這樣看來，我國累存的史料確是不少，可惜史學研究上還待重行檢討哩！

docsriver 文川网  
入驻商家 古籍书城

在文川网搜索古籍书城 获取更多电子书

唐宋以來，史籍的編纂却也演進許多，官修的演化爲編年體的皇家實錄、紀傳體的正史、有關禮法的會典、偏重地理的方志；私修的也有紀傳體的正史、別史、編年體的通鑑、以事爲綱的紀事本末、屬於典志的通考、通典專史，體裁和內容都有進步。史學上也誕生了兩位傑出人物。一位是唐代的劉知幾（六六一—七二一），他取諸家所作的史籍，闡明義例，商榷利弊，遺存傳世的有史通一書，獨具評論性。另一位是章學誠（一七三八—一八〇一），曾爲和州、永清、亳州修志，又做過畢沅的幕僚，修纂湖北通志。他是重視方志，親歷其事，而又提出具體建議的第一人。這兩位皆是值得推崇的史學碩彥。

人類自從有了時間觀念，再也斬不斷過去、現在、未來的鎖鏈，這是歷史興趣的根源。有了空間觀念，又渴求地理的知識。生活演進，使文物制度日漸繁複。歷史的探討便由幾何直線擴展到橫面的伸展。中國的土地大，人口多，山川氣候不同，先前的交通遠不及近日方便，更容易形成地方特色。只憑少數人編纂的國史，顯然不能囊括各地的社會全盤現象。地方志隨時代前進，倡於明代，盛於清代，現已成爲史籍中的要角了。這便是我們要介紹方志的緣由。

方志自從明代提倡編纂，清代便昌盛起來。托庇於國學首先注重經史，再加文史素來兼顧的餘輝，早年館庫所收的方志，皆有特定的水準。其實，在政府的通令鼓勵下，各地主纂方志的，莫不兢兢業業，收集的史料，皆是可資信實的，並不限於官府的藏本。據朱士嘉統計：清代編成的地方志有四、六五五種，康熙間完成一、二八六種，乾隆間又有一、〇二四種；直隸最多，有四〇三種，四川、江西、山東、河南、陝西、浙江皆各有三百種以上。他在一九三〇年統計我國方志便有四、九一二種，一九三五年統計總數爲五、八三二種，九三、二三七卷，一九三八年又查知七三〇種，一九五八年再查知七〇〇種。這樣，總數就達到七、二六二種。比起正史來，卷帙浩繁，真不是任何人可以憑他一生精力而能全部瀏覽一遍的。但是我們原也不必去做那種迂事。祇要知道這是歷史方面還未開發的山林，可以發掘的寶藏很多。現在試依顧頡剛在中國地方志綜錄序引述的一般方志紀事要目如下：地理——沿革、疆域、面積、分野；政治——建置、職官、兵備、大事記；經濟——戶口、田賦、物產、關稅；社會——風俗、方言、寺觀、祥異；文獻——人物、藝文、金石、古蹟；便知方志內容廣泛，而且它的取材，來自檔案、函札、碑碣，是很可信實的。真正說「以校正史，則正史顯其粗疏」而已。這是說地方志在數量和內容方面也成爲史籍中的要角。

民國十九年瞿兌之出版方志考稿，該括江蘇、河北、山東、河南、山西、遼寧、吉林、黑龍江八省的方志，一一列明了纂修年月、纂修人姓名、舊志沿革、卷數目次，並且辨體例，評得失，尤其注意特殊史料，是輔導研讀方志的文獻。此外，民二十年故宮所藏方志編目刊行，二十二年國立北平圖書館承京師圖書館和北海圖書館合併之後，藏有方志三千八百餘種，也編有目錄。

二十三年朱士嘉編中國地方志綜錄，羅列了五千多種。朱士嘉在北平所見的不過三千種，後又訪得上海涵芬樓直省志目，徐家匯天主堂藏書、金陵大學、南洋中學、中山大學諸書目，並知王綬珊藏有一千多種，又索得美國國會圖書館方志簡目、日本內閣文庫、宮內省圖書寮、日本帝國圖書館等志目，遂完成了蔚為大觀的綜錄。令人驚異的是國外的巴黎和越南的遠東圖書館，美國哈佛大學也藏有我國的方志，國內的教會校館更對方志發生興趣，這個時代的中西史學精神也就可以窺見一斑。

我國昔日的史家似乎拘束於史料的體例形式，精神已墮入治亂衰替的循環律陷阱，偏重政治史的小圈子，不敢放胆解釋人性各方面活動史實，但是今日經過科學洗禮以後，我們要弄清楚幾點：(一)憑藉文字和古物研究歷史，並不能使過去的事實完全再現，再說每件歷史事實皆有它的特殊面，能使它再現的，僅是倚靠我人的經驗和直覺。(二)科學可以捉住相同的事物，正因為我人能控制它的再現，可以求出它的共相和通性或定理、定律，但是史學上就不簡單了，我們要儘量注意它的特殊面。(三)現代史學在政治、經濟、社會、宗教、藝術以至文學方面應有廣泛的研討。(四)歷史研究者須有哲學的氣質，參用科學的方法，獲取藝術的成果。(五)對史實的特殊相若不加解釋，只能做一個史料收藏家，算不得是真正的歷史學者。

我們現在應該知道，中國歷史在傳統的史籍以外，方志是有地域性的，另外還有一種家譜是氏族性的史料。這方志與家譜，足可幫助史家分別根據人、時、地、物四個因素來研究事態的始末，展開嶄新的歷史敘述。為了適應時代需要，樹立清晰而有系統的概念，我們把選印本方志叢書的範疇，暫定為鄉、縣、府、郡、行政區的地方史，及各種叙一物一事的專志等（如瀘水志、廬山志）。

明清以來，方志成為地方官參照施政的要覽。若說依據方志便能瞭解該地的全情，未免過於誇張，所以研讀方志只能說有助於瞭解一地的過去情況，提供歷史專題研究的翔實資料，而且要從多種方志去探求同一節目，效果就高得多，現在把方志的功用，試述幾個實例如下：

- (1) 朱彝尊日下舊聞，陸心源宋史翼，顧炎武天下郡國利病書，大多係由各種方志取材。
- (2) 陳垣的元人也里可溫考，據至順鎮江志而作。
- (3) 張亮丞菲律賓史上的李馬奔 (Limabong) 真人考，據閩粵方志而成。
- (4) 日人桑原隲藏作蒲壽庚事蹟，援引閩粵方志多種。
- (5) 日人加藤繁中國經濟史考證，何炳棣中國人口論，皆據很多方志的資料。

(6)專從物產而言：乾隆時豐潤縣志記載扇子本為朝鮮進貢大臣隨員售來民間，但品級低劣，不為一般人喜愛，豐潤人利用竹枝、風景、花鳥畫改良後，風行一時。這是涉及朝貢而又有興趣的史料。又如何炳棟曾利用方志研究中國的早熟稻種。

(7)元李好文長安志圖，詳載如何利用水力。很多方志皆有河工、灌溉、築堤的經費、徵工等資料，可供稽考。

(8)地方賦役的負擔，也可從方志比較輕重。

(9)往日的的水陸交通、驛站距離，也可查知考證。

(10)鄉村市集、地方商業、對外貿易、典當、礦業，皆可在方志查考。蘇州府志有論孫春陽雜貨店的記述。高陽縣志論棉紡工業及第一次世界大戰期間的發展及各地市場情況，直敘到其後的衰落。這是工商榮衰遞變的史實。

(11)章學誠永清縣志對縣衙組織和差役的待遇，也是今日不易找到的資料。

(12)往昔教育制度的社學、義學、書院、學田、科舉應考生的旅費等，也可從方志查考。

(13)風俗、節日、寺院、壇觀、碑碣、古墓，在方志中均有豐富的記載可資考證。

(14)少數民族如苗、獠的風俗，方志記載也很可靠。

(15)歷任地方官的姓名、科舉名錄，更是考證上的極好資料。

從這些功用看來，方志確也含有一部份地理資料。乾隆四庫全書把它列入史部十五個子目之一的地理目，便是這個原故。到此，我們也要敘一敘方志的起源。有人認為漢袁康的越絕書，晉常璩的華陽國志是方志鼻祖；但那偏重地理性的圖經更可算是方志的前身。考據起來，由隋煬帝詔令天下各郡上呈當地風俗習慣及地圖，唐代令各郡每三年呈報人口一次，宋代又令潤月的年份要編圖經上呈朝廷，皆是圖經進展的實跡。宋代的志書已增列人物藝文，但遺存的很少。元代創編一統志，明代修纂一統志，因而徵求各省志書，方志的型態漸成一格。清代方志大盛，民國繼續修纂，有些省區曾急迫的限令於六個月內完成，內容自然就不免浮濫的譏評，所以刊本雖多，選讀的時候還須思量一下。本社致力於影印中國文史社會科學名著有年，此次選印的方志叢書，是完全依循前面所述的觀點，精選善本影印發行。更進一步，倘若國內外人士藏有孤本，本社願收入這部叢書，以貫徹素來發揚中國文化的精神。

中華民國五十六年六月二十五日何光謨謹識於成文出版社

永泰縣志



重脩永泰縣志序

余蒞永之明年而邑志於以脫葉校讐既竟經余送請省總局鑒定發還將付手民志局諸君子來請一言亦簡端監修余職也余不能無言歲戊午閩粵有事荏苒乘間竊發余下車伊始而邑東西北三區警報頻聞蹂躪殆無虛日南區自梧桐尾以上廣袤數十里尤以負嶼頑抗經大軍克復秩序底定至是而轄境乃得完全施治此則可爲邑人欣慰者也余因之有感矣永邑地勢不利於交通本無軍事上之價值自時勢變遷山川險夷因而迭更邑之西南上通尤溪正南則達德化莆仙東北尤迫近省會道路雖甚崎嶇然善用形勝者實可以控制上下游設防布守不容或疎且近年股匪出沒靡定

大泰縣志 卷一 重脩永泰縣志序

尤賴防軍之鎮攝職在有司亦以地方責任綦重應付繁賾蓋軍事倥傯時代日無暇晷簿書錢穀而外他務未遑而志局諸君子乃以志書見質此在常人視之以爲丁此時艱蓋急待設施且有千百重要於此者值羽書旁午之際而侈談文獻欲資以磨世厲鈍有類揖讓之救火毋乃僨其抑余重因之有感矣永邑自宋元以迄明清號稱易治風俗古樸民質醇良物產雖非豐富然實足以自給人才輩出賢哲彪炳禮讓之風絃誦之聲於焉未泯故人易趨於軌道爲之司牧苟不加擾則直可臥治焉耳降至今日形勢日非匪擾之餘十室九空流亡未復庚癸頻呼爭訟之風日以滋長驚悍之徒誕而走險恬不爲恥民質既變風俗亦頹夙昔文物之光榮日以泯沒環視

邑中所謂實業教育諸大端率窘於財力迄未有興起之望時勢使然無可爲諱然究其所以致此而未能挽回此則地方有司之責而余所日夜引爲疚心者也今幸邑志告成治事之暇得與諸父老商榷撫今追昔思所以改絃而更張之積弊當革積衰當起凡有利便於人民者當急起而圖之潛移默運今何必不如昔然則此志之成而相與徵文考獻興革損益余且以古爲鑑而邑中諸父老亦宜追踪前哲父勉其子兄詔其弟相與力田孝悌復返於禮讓而莘莘學子尤宜乘時崛起宣明文化程功之期寬以歲月官民俱納於正軌而交相砥礪舉孳薄媮惰之風一洗而空之積之愈久自必發之愈光然則轉移風尚且將於此志之成作之嚆矢也抑余聞之具有才

永泰縣志 卷一 重脩永泰縣志序

學識三長可以作史志猶是也兼才學識者不常有而史亦作然則脩志亦豈能獨緩哉志局諸君子皆邑中績學宿儒有甯州里探輯去取必有特長覽此志者自可以知之初無俟余之詞贅矣修志起於六年五月成於九年一月司其事者協修爲周君遠然何君兆馨而中經變故始終堅持一無散失迄付剞劂則尤賴纂修王君紹沂之力是則可感也夫

中華民國十一年九月天台金 章撰於永陽官廨

重脩永泰縣志序

邑志之作從弢弓脫劍之餘揚厲昇平脩舉廢墜鉅典也亦盛事也永至今日豺狼叢起墟郭鼎沸人不安室涂罕順軌蕭樓揚亭之迹蕩乎荒煙班藪劉略之士傷彼行路顧捨擢胃腎點竄辭義自附謝長樂俞甫田後詎不偵其然子與氏不云乎於不可已而已者無所不已茲志之務底於成其可已耶其不可已耶歲丙辰 督座培帥李公延沈丈濤園陳丈石遺主脩福建通志越明年命下所屬各志其邑且頒兩總纂擬定體例以期一律彌罅芟蕪移事屬類去其不當載者什之二益其所當載者什之六非引繩而直之絜矩而方之無所容其出入增損之謂謂夫國不異政書則同文其庶乎仰觀弗

永泰縣志 卷一 重脩永泰縣志序 三

失之天俯察弗失之地在官在民弗失之人得所依據文經而獻緯之閉門造車出而合轍也會子之食魚也有餘潘門弟子請曰泚之乎抑與之也會子曰泚之曰泚之不若與之之善也會子喟然嘆曰其以我為有異心乎夫永故有志矣將務為屈彼伸此之辭羣言瞻咨其謂我何抑姑取已陳之芻狗而丹黃篋衍焉又奚脩之為幸而猶南之車若轍可循大同之奏無絃弗改操刀使割第鱗次而鑿數之已畢烹鮮之能事焉問其孰為泚而孰為與也其不可已一也公緒如浣民困待蘇設局以來鉛槧書役之費糜數百金昔人有適千里者途未半而風雪阻之囊垂罄既而思車馬逆旅費已不貲乃丐以達其不可已二也萬歷志不及見矣繼緒部而纂輯者厥唯乾隆

志蓋專志也外此若永陽清氣錄 方應巖志小白渡志永陽石刻考永陽遊草雖亦闡山川之勝覽景蕘初之遺蹟明士夫之雅尚間彌邑乘之所不逮而主名有屬例弗兼及攷俞志絕筆於乾隆己巳距今周甲子者三揚子之言曰當身之事或聞或見萬不識一目前之事或存或廢千不識一矧此百有餘歲中官師之振飭風士之嘉祥天時人事之推遷聲名文物之殷盛固叢若絲繁若蠅集耶其不可已三也程篁墩之新安文獻康對山之武功縣志人知其為世重矣漏一則失重濫一則貶重疑一則損重故証之於古宜詳所未詳也不則一木張羅寸莛起音耳將管見竅聞者遺酌之於今宜精益求精也不則昭明埒鳳騶虞疑虎耳將貴耳賤目者惑燕石自珍既

永泰縣志 卷一 重脩永泰縣志序 四

困於見醜難或舞復限於地持一束書憑一已腦力而欲括上下千餘年縱橫四百里事不待智者有以知其窘矣是役也周子遠然何子兆馨皆邑中祭酒互相牛耳文壇者實贊襄其事於稗官雜說傳記百家之書參互攷訂不遺餘力至耳目之所親記都人士寧不余畀而恡諸其不可已四也昔鄒氏府纂台州志遭亂藏藁於家鄒歿及門譚玉書者持謁州牧某公曰懷此已若干年恐當事目為迂疏不急之圖遠巡弗遽進我公儒者也敢聞遂獲銀板世變極矣宵無常翳之晦水有必迴之淵茲藁之成毋為鄒孝廉續焉則幸耳民國八年歲舍己未莫春禊後二日邑人王紹沂序於磨笄別島之

二梅書屋

重脩永泰縣志序

志者史體也凡山川水利風俗民情人才物產而其間險易厚薄盛衰消長無不詳紀焉以備徵文考獻者之瀏覽得失以為吏治之助若第以磨蒐博采夸風人之多識魁聚倫以效能抑末也永志始脩於萬歷再脩於乾隆距茲又百七十餘年矣邇者 大府檄各縣亟襄是舉知事 董公延 王梅丞先生總其事不佞參末席搜軼事於故家訪舊聞於遺老收瑣談於稗史窮勝迹於巖扃謬者糾之訛者刊之罅漏者補之毋濫毋遺務求其當識大識小各竭其才乃事未竟而纓槍告警演池弄兵於是棘地荆天黃埃生慘霜戈電馬白日不輝予由是離筆硯凋跡塵俗與備販相俯仰而 王君則左挈

永泰縣志 卷一 重脩永泰縣志序 五

吉甯古持禿管戢影於窮巖絕壑間茹蘖飲冰苦志茲役不半載而全書告成予自媿驚下之質因人成事而益傷薄殖荒落之終為廢材也獨是至今日而談脩志譬之稻錦而察總功飯歆而問齒決難免不知務之諄然以今日而談脩志如魯靈光如廣陵散千鈞一髮之所維繫正不容或忽焉倘猶事因循則故老凋零殘編斷缺流風餘韻漸蕩滅於煙銷波渺之中而莫之恤滋可懼也此予與諸君子所以受命不辭慨然從事斯舉如謂欲以文梓之材夏翟之羽而故炫其藻采也則區區之心果何以見諒於世哉

中華民國八年五月邑人何兆馨序

重脩永泰縣志序

將欲覃思據精索隱探幽不拾人牙慧自成一家言出而問世豈無一二有道與我同一鼻孔而自明眼人視之則曰此三家村學究閒居無聊時抒其磊落抑塞耳一笑置之則雖嘔盡心血徒為後人覆醬餽已也其言曷足貴乎於是學然高望求其大者遠者以補經史之所不及庶名山得分片席也卒之蚍蜉撼樹綿力不支遂蹶然止若然則可以終止矣乎曰烏乎可我輩生於斯長於斯縱不能為國家光亦當為閭里計此邑乘之修所以不得辭其責而亦樂得有其名也端居之暇冀圖博引廣徵旁搜遠紹畧者詳之缺者補之參以管見集為一書備輪軒者採徐而思之前清道咸間吾鄉耆宿皆巍

永泰縣志 卷一 重脩永泰縣志序 六

然存其具有大識力者奚啻三五輩豈真惜墨如金耶抑留而有待耶後生小子不揣冒昧動以先正事畧操筆削權如清議何是以又不果歲丁巳春余友 王君梅丞就館署之東偏課讀暇出小啓函索文獻讀其詞炳炳琅琅心折久之竊喜曰蕞爾邑苟獲斯人潤色之則山川人物當燦然改觀矣故多方採擇不憚其勞欲以副友人之望者垂慰予之初志也惜見見聞聞非片羽即鱗爪耳求其全豹不能也其明年適下脩志令而王君司其事余亦濫竽焉不兩年間哀然成集余自笑始欲獨肩其任而不能繼則稍收其效而不得今則坐觀厥成焉蒼蠅無力附驥而奔余之謂也序之以博一粲

中華民國八年邑人周蘊然蝶園甫序

原序

郡邑之有志也所以紀山川之險易戶口之登耗風俗之淳漓人才之衰盛俾蒞於其地者載覽篇籍有以知古今升降沿革之由政治得失世道汗隆之故得以維持補救於其間志之不可以已也如是夫戊辰秋余奉檄來攝永篆見夫重岡崇嶽菁林茂密蓋閩之嚴邑也甫下車未及詢苦問俗亟索志書觀之茫然莫應因遍為採訪得萬歷十年唐令君所脩邑志四帙殘篇斷簡亦畧而不詳自萬歷至今垂百五十餘年則皆缺焉無所攷據噫異哉何永志之廢缺不脩至於如斯之甚也於是謀諸邑之人士亟襄脩纂皆踴躍從事甫陽俞荔家嚴同年友也延請總其事邑學博李君及諸生數人同司分

永泰縣志

卷一 原序

七

纂而世遠事佚蒐輯維艱於是借故家之藏書訪遺老之傳聞事必核其實人必闡其幽分爲十志義例昭然予於政暇亦細與爲商確雖不無挂漏務使詳而不支簡而不畧矢慎矢公勒成信史垂之來茲而余因是重有感焉夫自有明迄今多歷年所官茲土者不知凡幾矣顧惟簿書錢穀之是亟視志之廢缺如夏月之無裘其間高人貞媛行誼卓卓者皆湮沒而不彰可勝道哉使及今不脩更遲之又久故老凋殘遺編銷滅則其散逸莫稽又不知如何矣後之人雖欲訪升降沿革之由政治風俗得失汗隆之故果奚所據以爲出治之資也哉此余區區脩志之苦心也因書之於簡首

乾隆戊辰年十二月興安分刺攝縣事京兆陳焱撰

原序

昔人稱作史貴三長必才學識兼而後稱良史予謂脩志亦然蓋史所述者上下古今天下之事志所述者一郡一邑之事志即周官外史所掌與大小史相表裏者也志不脩則事遠而聞見易至遺忘代遠而蒐羅每多放失志之不易脩也如此永邑志脩自萬歷間唐令君萬歷以後歷時滋多不無闕畧之憾歲之九月京兆陳公以興安分府攝篆茲邑慨然有意於斯役而折簡召予總其事予小子自慚謏陋於才學識槩無一可奚能爲役既辭不獲命爰與共事諸公發凡起例定爲十目悉心商確徵文考獻事必窮其源流人必覈其素履沿革以時而於人情不能無便拂者條而載之案牘之詞閭閻之

永泰縣志

卷一 原序

八

議弗敢裁也士大夫材品既異建豎亦各不同要於其當區而分之宜遊之碑墓下之石弗敢據也蓋於事寧詳毋畧即推行未究尙冀補球於將來於人寧嚴毋濫或輿論未諧以待采輯於他日法窮則變神明在人善者因之紛者定之亡者舉之去煩去泰移風易俗賢守令事也砥行立名崇儉型方將令後之載筆者籍芳聲繼簡策士大夫事也不然斯志也祇簿領首萃之書郡國侈觀之具又何汲汲乎脩之爲哉既復陳公且質邑人士以爲何如是爲序

乾隆十三年歲次戊辰十二月莆田俞荔謹序

原序

永邑志乘修自明萬曆間嗣後議修而中止者屢矣非憚於纂梓之繁費則阻於議論之紛紜此所以架漏百五十餘年書缺有間焉戊辰秋陳雲臺撫篆斯邑下車伊始詢及邑乘不特近事缺畧莫考即前志經滄桑之變亦散失殆盡爰集紳士於明倫堂共襄盛舉咸踴躍從事樂觀厥成申請列憲概蒙許可乃延蒲陽名宿俞老先生總其事猥舉不佞以待研席蒐遺編輯舊聞計四閱月而書成夫邑之有志豈徒鋪張揚厲求文辭之工侈鉅麗之觀云爾哉將使一邑之疆域規制仕宦人物風土謠俗釐然具舉足以信今而傳後繼往而開來者也苟或畧而不詳詳而不核隨聲以傳會師心而自是又何

永泰縣志 卷一 原序

九

貴乎志之修哉後之觀是志者謂其義例精明詳而有體則出自陳憲臺之加意蒐羅及俞老先生之裁定至於是是非非直道自有公評彼蒼默為鑒視敢有以私意亂其間者則余不佞亦可告無罪於永人士云乾隆十四年己巳端月穀旦辛酉科舉人揀選知縣署永福縣儒學教諭晉江李經書於學署

重修永泰縣志凡例

一本屆修志由省志局總纂頒有定式為類三十有六精嚴詳密各屬一體遵照與舊志分綱為十系目於下絕不相符不得不截衣適體以期吻合非故立異

一鄉飲之典前清最為濫及年逾六十糜數金資緣即給冠帶榮身登之志乘適貽笑柄茲既刪去耆壽一門而四百餘歲之陳俊及百齡以上諸人自是昇平人瑞附列之大事志以災祥固大事之一也

一山川名勝等類間有題詠統附本項下如高蓋山詩文即附高蓋山後餘倣此其無門類可歸始入藝文

永泰縣志 卷一 重修永泰縣志凡例 十

一納粟入監雖列成均究與正途貢生不同此次概不登載即或名登仕版亦祇紀實職不列虛銜

一官斯土者必有實績可錄方為立傳以傳之舊志有僅以操守廉潔理治勤敏等一二語附注職官名下竟似官員考語非志體也今悉為裁汰

一現存時賢歌詠概不輕錄唯傳記有關繫者採入一二以備考鏡

一節烈一事最為婦人所難不表而彰之曷以勸來者除舊志記載外百餘年來完節全貞其已經題准者同詳細錄入即貧寒之家未及報案果採訪確實亦必為登載以慰幽魂唯舊志各

作小傳幾於千人一律茲仿省志郡志體例奇節異行方為立傳餘悉易以題名庶不令閱者生厭

一舊志藝文概用大字茲悉以雙行小字系之以省卷帙

一志內所引諸書及省郡各志俱於徵引處標明來歷唯屬於採訪來纂者不能一一詳載間有附參已見者加一按字以別之

一志體專以紀事非辨異考同之書然亦有實知省志府志舊縣志之謬不得不一為訂正至志內詩文或有字句與諸志不符者非敢意為去取皆考覈原本於各條下注明

一新增各條或來自各姓家譜各員訪藁俱經糊壁任憑衆目觀覽其有紀載失實被人指摘者即行刪去且底藁具在非鄙人

永泰縣志 卷一 重脩永泰縣志凡例 十一

之私咎也閱者諒之

新修縣志姓氏

監修 永泰縣知事 江蘇 董秉清

監修 代理永泰縣知事 湖北 唐蔭爵

監修 永泰縣知事 浙江 金章

纂修 壬寅科舉人 邑人 王紹沂

協修 癸卯科舉人 邑人 周遠然

協修 峯口巡檢考職優廩生 邑人 何兆馨

同協修 江西審判廳壬寅科舉人 邑人 鄧耀樞

同協修 前江蘇丹徒知縣乙未科進士 邑人 陳景韶

同協修 壬寅科舉人 邑人 黃大貞

永泰縣志 卷一 新脩縣志姓氏 十二

同協修 廣東開平縣知事考職附生 邑人 江漢先

同協修 前福甯府學訓導乙酉副榜 邑人 張葆謙

校訂 諸 邑人 鄭思忠

校訂 布 邑人 林星煌

校訂 恩 邑人 黃廷焜

同校訂 諸 邑人 吳夢齡

同校訂 歲 邑人 朱恭梓

同校訂 諸 邑人 鄭仰樞

同校訂 諸 邑人 張心南

同校訂 布 邑人 陳克堅

同校訂 諸	生 邑人	鄒培鄒
同校訂 諸	生 邑人	王念章
同校訂 諸	生 邑人	陳榮烈
同校訂 歲	生 邑人	官饒
同校訂 日本早稻田大學畢業生	邑人	林棟
同校訂 諸	生 邑人	邵嵩
同校訂 諸	生 邑人	薛景東
同校訂 諸	生 邑人	鄭世榮
同校訂 諸	生 邑人	張燦照
同校訂 諸	生 邑人	陳瑞衡
同校訂 連江漳浦典獄考職附生	邑人	何兆渠
同校訂 諸	生 邑人	黃錫聰
同校訂 諸	生 邑人	鄧耀庚
同校訂 諸	生 邑人	陳師豫
同校訂 諸	生 邑人	張官清
同校訂 諸	生 邑人	林占春
同校訂 諸	生 邑人	華履謙
同校訂 私立法政畢業生	邑人	廖鴻翔
同校訂 武	生 邑人	劉履亨
同校訂 布	衣 邑人	羅如雲

同校訂 布	衣 邑人	韓壽英
同校訂 縣立小學畢業生	邑人	于全賦
同校訂 諸	生 邑人	許培光
同校訂 布	衣 邑人	王雲松
同校訂 諸	生 邑人	林韶陽
同校訂 福建省立師範學校畢業生	邑人	陳長綏
同校訂 福建私立中學校畢業生	邑人	許瑞卿
同校訂 福建私立中學校畢業生	邑人	劉道茂
同校訂 布	衣 邑人	林鑑光
同校訂 諸	生 邑人	溫步陞
同校訂 諸	生 邑人	邱炳昌
同校訂 諸	生 邑人	邱鳴崗
同校訂 布	衣 邑人	林文滔
同校訂 布	衣 邑人	林開保
同校訂 布	衣 邑人	陳疇
勸 募	員 邑人	陳瑞雲
勸 募	員 邑人	王步廓
勸 募	員 邑人	林步瀛
勸 募	員 邑人	葉珪元
勸 募	員 邑人	張祖韶

永泰縣志 卷一 新橋縣志姓氏

勸 勸 勸 勸 勸 勸 勸 勸 勸 勸 勸  
 募 募 募 募 募 募 募 募 募 募 募  
 員 邑人 黃大昌  
 員 邑人 許宴瓊  
 員 邑人 侯贊康  
 員 邑人 林鑑清  
 員 邑人 林昇祺  
 員 邑人 陳秉陶  
 員 邑人 盧積成  
 員 邑人 李挺生  
 員 邑人 鮑立昭  
 員 邑人 黃溫光

勸 勸 勸 勸 勸  
 募 募 募 募 募  
 員 邑人 林啟標  
 員 邑人 林煇騰  
 員 邑人 陳兆志  
 員 邑人 陳大奎  
 員 邑人 程承丹

十五

萬歷壬子脩志姓氏

文林郎知永福縣事 桂林 唐學仁 主修  
 工部營繕司員外郎 郡人 謝肇制 纂修  
 郡 庠 生 侯官 陳鳴鶴 同修  
 布 衣 侯官 徐 燦 分纂  
 永福縣教訓 清流 伍可求  
 永福縣訓導 連城 謝必敬  
 楚雄府教授 邑人 林彭齡  
 漳州府訓導 邑人 張仕涇  
 泉州府訓導 邑人 張啓睿

永泰縣志 卷一 萬歷壬子脩志姓氏 十六

貢 生 邑人 藍 圻  
 貢 生 邑人 林 茂  
 庠 生 邑人 張啓通  
 庠 生 邑人 林宏毅  
 庠 生 邑人 張啓建  
 庠 生 邑人 鄢廷元 同校  
 永福縣典史 池州 張國勳 督刻



乾隆戊辰脩志姓氏

興化府攝理永福縣事 陳焱 主修

文林郎署永福縣事 伍焯 主修

文林郎知永福縣事 畢成 主修

文林郎署永福縣事 趙崇文 主修

文林郎署永福縣事 溫成位 主修

文林郎知永福縣事 王綱 主修

文林郎知廣東惠州府長寧縣事 俞荔 纂修

拔貢 陳雲客 同纂修

永福縣教諭 李經 分纂

永泰縣志 卷一 乾隆戊辰脩志姓氏 十七

歲貢 生 柯玠 同分纂

邑廩 生 董三錫 同分纂

永福縣教諭 張方高 校訂

永福縣訓導 康職思 校訂

文林郎知廣東肇慶府四會縣事 黃任 同校訂

文林郎知湖南長沙府安化縣事 力隨春 同校訂

政和縣訓導 林邦雄 同校訂

福安縣訓導 彭鴻 同校訂

舉人 林之桂

舉人 黃惠

舉人 王陽開

武舉 人 陳大任

武舉 人 張光華

歲貢 生 鄧標

歲貢 生 張謙

歲貢 生 柯兆祐

國學 生 張光亮

國學 生 程鯤名

國學 生 柯文岳

郡庠 生 柯上台

永泰縣志 卷二 乾隆戊辰脩志姓氏 十八

郡庠 生 張紹雄

邑庠 生 張道源

邑庠 生 張光濯

永福縣典史 柯文模 同校

永福縣典史 王子惠 督刻

docsriver 文川网  
入驻商家 古籍书城

在文川网搜索古籍书城 获取更多电子书

緯候表

古先哲王察政窺璣知星與土精氣相維西學東來兩極測推一縱一橫諸精垂恩矧極極准而北為根氣為之感物應乃爾界畫區分五方殊軌因地因時責在燮理纂緯候表第一

星野古說也用之於今則不合且星紀牛女為福建全省公共之野言一二語可識也用之於縣志尤不合而既已有之存其畧耳

星紀吳越也周禮春官保章氏註

南斗牽牛須女皆為星紀於辰在丑越之分野史記正義

自斗十一度至婺女七度一名須女曰星紀之次今吳越分野後漢書郡

國志註

永泰縣志 卷一 緯候表

十九

自斗六度至須女二度謂之星紀之次越之分野後漢書律歷志

僧一行云天下山河之象存乎兩戒北戒自三危至朝鮮是為北

紀南戒自岷嶓至東甌閩中是為南紀唐書

天市垣二十二星東西蕃各列十一星其東蕃第六星曰吳越宋史

以西法攷之赤道起算終斗則閩分野已越元楊黃道起算終牛則

閩分野當仍屬星紀續福建通志

西法赤道自箕三度七分至斗二十四度二十分黃道自箕四度十

一分至牛一度五分為星紀續福建通志

周禮保章氏辨九州之分野揚州屬星紀為斗牽牛須女三星閩

地漢初附會稽增補通志吳斗牛分野越牛女分野則由揚州而

南自斗歷牛至女魏陳卓云會稽入牛一度星紀云說本郊宗疏星紀紀字當

之誤每星一度轄地一千四百六里有奇閩距會稽千里而近則閩分野皆在牛一二度間也或以閩越在南而星紀在北為疑然據歷家仰儀之法推之仰儀反以觀象取光之所燭為驗吳越當之者從星紀之所燭也永為福州屬邑亦分牛二度之榮光云舊縣志

按曰斗牛曰牛女曰南紀曰天市垣總之不離乎星紀者近是宋史所言東蕃六星之下亦仍以星紀屬之矣爾雅釋天星紀

斗牽牛也蓋謂斗牽牛者日月五星之所終始故謂之星紀惟斗牛女之分野所占甚遠以閩浙兩省言尚不足以盡禹貢之揚州又奚庸於永陽撮土指為何宿分野者

永泰縣志 卷一 緯候表

二十

永泰所屬經緯度表

緯別	地別	度	分
經	北京東	一一	三十三
	英國天文臺東	一一	一十九
緯	赤道北	二	四十七

氣候

永邑處萬山之中重臨覆嶺地勢高峻自冬徂春多霜雪極寒清明後寒乃稍退霖雨時行山饒嵐霧向午方開三伏炎熱九月始涼若夫山谷之間夏亦少熱人不衣葛稍風雨雖盛暑亦須挾纊舊志

按縣城而下迤東多燠候與省垣同有霰無雪南得中候西北則恆寒積雪時有之平原或寸計山巖且經尺冷暖以地勢高低爲度故草木或萎或不萎隙塘有冰有不冰菊開不必重陽桃華不必二月誕土宜於月令四百里間幾紛紜錯互而不可究詰（張氏沃云）郊居野處氣疏以越一入重岡複嶺似雲非雲遊人觸之作數日惡近十數年鼠疫之發輒發於低窪處所熱度最高之區而深山窮谷且無之斯言也今又異於古所云耳

城鎮鄉寒暑氣候表  
 不能悉載凡屬毗連處所可照所登類推

地點之名稱

水		泰		縣		城		鄉		鎮		村		莊		園		畝		地		點		溫		度		高		低		之		區						
九	老	坡	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭		
九	老	坡	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭	湯	頭

水泰縣志 卷一 緯候表

附日出入時刻表

候別

冬 至 卯正 三 刻 四 分

小 寒 卯正 三 刻 二 分

大 寒 卯正 二 刻 八 分

立 春 卯正 二 刻 五 分

清 春 卯正 二 刻 二 分

春 分 卯正 二 刻 九 分

候別

春 分 卯正 二 刻 九 分

清 春 卯正 二 刻 二 分

立 春 卯正 二 刻 五 分

大 寒 卯正 二 刻 八 分

小 寒 卯正 三 刻 二 分

冬 至 卯正 三 刻 四 分

水泰縣志 卷一 緯候表

相同之候

秋分后七日 白露后十日 秋分后十三日 白露后十四日 寒露后十七日 霜降后二十日 小雪后二十四日 大雪后二十七日 小寒后三十日 大寒后三十三日 立春后三十六日 清春后三十九日 春分后四十二日 清春后四十五日 立春后四十八日 大寒后五十一日 小寒后五十四日 冬至后五十七日

候	日	時	刻	分	入	出
冬至	卯正	三	刻	四	分	度七度五
小寒	卯正	三	刻	二	分	度七度三
大寒	卯正	二	刻	八	分	度七度一
立春	卯正	二	刻	五	分	度七度
清春	卯正	二	刻	二	分	度六度九
春分	卯正	二	刻	九	分	度六度八
清春	卯正	二	刻	六	分	度六度七
立春	卯正	二	刻	三	分	度六度六
大寒	卯正	一	刻	九	分	度六度五
小寒	卯正	一	刻	六	分	度六度四
冬至	卯正	一	刻	三	分	度六度三

論曰劉知幾有言今之天卽古之天也天同則天之垂象授時罔不同人之戴天同則人之觀天之象順天之時當亦罔不同而試與近世天文家登臺望氣抵掌談論謂列宿應於下土分野屬之九州斤斤於斗牛女間指爲或吳或越有鄙夷不屑道者按西法定周天爲三百六十度與古所云三百六十五度者法已一變且古雖用歲差法而宮與星仍不易西法則以中氣過宮恒星有歲進之差故宮無定宿而宿以遞居各宮其理尤爲縝密步天之術若積薪然蓋實驗多則虛論自少也夫州縣部位非測天度不明地體渾圓南北二點正當天空之南北兩極其中腰大圈亦與天空赤道相當如人在北極下則以北極爲天頂泊漸向南行北極

漸低至赤道則北極與地平南極亦然是地之南北不同北極出地之高低異耳東地之日出入早於西地之日出入地周三百六十度與大周相應每度六十分都爲二萬一千六百分日歷天周爲晝夜分二十四小時時六十分都爲一千四百四十四分故時之一分等於度之十五分四分等於一度則此地之日出入早於彼地之日出入四分時是地之東西不同則日之出入遲早異耳大司徒以上圭之法湖土深正日景土深指南北日景指東西日南景短地在南近日故土圭之景短日北景長地在北遠日故土圭之景長此定南北緯度之理也日東景夕地在東日過其國午線時東地之景已夕日西景朝地在西日過其國午線時西地之


景方朝此定東西經度之理也是說也乾嘉諸老已能言之福建續志且有北極出地二十六度及偏東一度之附紀矣至若英化學士列查卡環以算理測驗推定各緯度該有之寒暑有堪波者謂爲各方之熱度非可推算宜隨處實測不得以緯度相同熱度決之善夫其深明鸚鵡不踰濟康嶺之梅南枝先開之旨也夫昔人嘗有借四時常近夏一雨便如秋二語括全水之氣候者其友以高處呼寒低處燠天公恐不易調停折之外史氏從而韋之曰戴天同而觀天之象順天之時庸有不同

地理志


史稱帝嚳初置九州後世守吏如古諸侯普天之下莫非王土度地居民設險固圉伊永之封複嶺崇峰草昧開闢蓋筆雙蹤八到四至暮列鱗次申畫郊圻此物此志纂地理志第二

按原定測繪輿圖攝影名勝並出版等費全縣六區分募捐款三千六百元甫募中南二區七百餘元而匪氛滋熾難以進行惟全書脫稿已奉鑒定邑人士欲先觀為快不得不暫將現募之款先出第一版俟地方稍謐再行補募按區測繪攝影續出第二版本版輿圖簡畧殊欠完備閱者幸垂諒焉

永泰縣疆區圖



永泰城內外圖



閩中古百越地秦置閩中郡漢高帝五年封句踐裔無諸為閩越王都冶今侯官惠帝三年分東甌封搖為東海王後相攻擊武帝發兵討之徙東甌民處江淮間其地復屬閩越漢置會稽南部都尉制之晉太康中置晉安郡領縣八陳永定初陞為閩州唐開元十三年改為福州永泰二年節度使李承昭析侯官之西鄉尤溪之東鄉置永泰縣屬福州新唐書云咸通二年析連江及閩縣地置誤宋崇寧元年以避哲宗陵諱改為永福民國三年以廣西有永福縣易致混淆復更名永泰參舊志

永福為福州支邑在府城西一百二十里東至侯官縣龍湖界七十里又至福清縣黃坑界九十里西至尤溪縣大埔界九十五里

永泰縣志 卷一 地理志 二十六

南至仙游縣辜嶺界七十里北至閩清縣滴水嶺界七十五里東北至侯官縣源裡界七十五里東南至莆田縣馬黨界六十五里又至興化廢縣八十五里西南至仙游縣淳湖界一百里又至德化縣炭墟界一百里西北至閩清縣大帽仙峰界一百二十里東西一百五十里南北一百二十里周四百四十四里宋置三鄉領十四里元析為三十六都明初因之正統十三年經鄧茂七之亂邱里為墟併為九都以上舊志清仍為三十六都缺九都十一都三十五都實只存三十三都按舊志於併為九都下系以國朝因之四字攷清初契據各都仍然存在未敢以說

傳說易之俟考

道路

東總幹路以東關外浮橋頭不過渡為起點里許至小東亭亭度東

亨橋張方氏殉烈坊在焉又過三板橋四里為馬洋濟渡處右行過馬洋渡

為第一支路越竹坑渡又二里至銀場舊有石橋毀於水今新砌

里許左行第二支路又二里至元帥廟其傍岸則汰王灘也渡灘

由隔頭窩會於金沙又二里至元帥廟其傍岸則汰王灘也渡灘

三支路歷頭安公地有鄭時匡昇平人瑞坊過墩尾橋歷若影

石列仙登諸古蹟又過石圳前右渡溪為第四支路泊龍巖寺前歷下溝巖前過王埕尾渡會於幹路

或再歷溪洋萬石會經金沙口雁齒里許為薛姓雙節坊度石塔橋

虎坑橋過小溪俗呼溪至台口街蓋自浮橋頭陸行二十五里至街

也里許至玉坪有坊為節孝薛林氏建者舊有渡七里抵王墓相傳

地以葬闕王妃得名總幹路至此歧而為二甲幹路左渡溪歷湯口

永泰縣志

卷一 地理志

二十七

饒南由石壁過渡即所稱赤壁瀨者乙幹路從王墓緣左岸達三島

過小溪右行第五支路過三島歷九老坡度五門橋地於水代以矮橋旋架於路

而葛嶺而埤頭右過埤頭為第六支路而瀨下右過渡為第七支路東行

陸行絕而舟通焉前此非不可舟以舟自起點沙灣道頭後直抵侯

支港也港不得舟永交界石與大江會沿溪無支港別白非無

斯不必以支名耳舟下瀨下瀨宮口瀨達塘前發岸為第八支路過

上塔馬坑下井大坵頭嶺頭為莆田界一歷上塔北溪文尾七里溪

埠洪瀨度大招橋過龍嶼至太保崎為福清界又分小支由李埕至

清瀨田界自此而下官烈則嶄然交界石為閩侯界矣

中南總幹路一而二之而一者也蓋大溪南來中南兩區皆在茲溪

流域由縣城而上至寒潭為中區地點由寒潭至尤德交界處所為

南區地點中幹路實接連於南幹路率緣溪行深通小舟險惡倍於

東下詳曹能始永福山水記畧不贅仍舍水言陸焉可耳起點於南

門過溪為中總幹路而南總幹路自縣起程實附之五里許過紅紅

亭上為北蕉瀨岸分左右左過渡曰南蕉瀨沿岸低湖右為第一越

坑洞時水不滿足者六角坑也前進有小市集為界竹口街右入大

應為第三支路鱸潭東渡則三門關在焉能始所稱三門灘者是也自此緣

溪左右分為兩幹路甲幹路自界竹口度板橋溪為大毛洋歷考坑

蜚英即嶺由山洋而西左行至燒尾遂下湯埤嶺為龍津里即湯埤

渡達乙幹路又歷格垵溪口獅尾寨或過村頭渡或過梧桐至坵演

區月洲為甲幹第二支路或由三渡左岸為坵演街與乙幹路合蓋

重溪至坵演或右赴岸草洋

甲幹至此已絕中區右界由傍岸小徑至寒潭刻石止進則南區已

永泰縣志

卷一 地理志

二十八

乙幹始於三門關進而玉尺乙幹第一支路自玉尺入布嶺分為

鄉正支路為白過石橋折入赤錫街左轉巷裡為乙幹第二支路

葉黃坑等鄉

支路抵埔垵街過湯埤甲而坂垵血村頭而梧桐尾街村頭梧桐尾

支抵岸榮湖赤皮洋為乙幹第四支路又或過西潭溪歷西潭長

若坪洋隔坵嶺白巖東湖為乙幹第五支路與仙游分界矣

第六支路為筲林石為楓模根左至三富洋則歷白杜左折入大

為乙幹第八支路至寒潭溪中石刻有距城約百里為中區終點寒潭而上

為南總幹路越白壩觀音亭抵嵩口街嵩亦兩溪合流從西北來者

為尤溪之水南區呼為小溪從西來者為德化之水南區呼為大溪

復歧為南兩幹路內幹路自嵩口沿南大溪東岸入新鄕上半山再



上柯模隔左丙幹第一支路三十六層連赤水街分四小支下大  
或赴黃溪或金潭或山頭或與德化接壤之紫山

龍則與德化界 過渡為溪口灣雙溪后亭山寨土洋接壤德化南  
二支路歷白沙橫

大溪內幹路於以告終丁幹路從嵩口度浮橋湖大溪西岸歷白臘  
第一支路由湖後分兩小支或險嶺赴街

小幹入豐坑險嶺三十里至蓋洋歷南山石塘北鏡縣城至此凡二  
抵陳埔分左右二小幹左

百里與德化界右小幹過小溪至山兜前折入下添為右小幹第一  
尤溪 經白口長慶左行至上洋為右

之南界毗連隣轄者不越中區末由達南故中南兩區必合而言也  
抵大埔蓮坑與閩清界茲則永

西總幹路以臥鯉潭過橋由西橋亭西上為起點歷葛藤坪巖下亭  
支路越上游閩亭赤嶺與

永泰縣志 卷一 地理志 二十九

上通天隔過番洋井後寨門嶺抵曹溪遙望花壺巖在焉右赴盤谷  
路左達北區雁 躡花子嶺 俗呼乞 康可亭進新橋亭分為兩幹路甲

幹路歷鄭坑下番寨墓下洋店裡 右至洋尾龍門為 復歷大洋石坊  
甲幹第一支路

下達拱橋頭再歧甲幹為兩支 支赴蕭洋文藻歷坂中左坡橋或左  
更分小支達十八重溪有亭曰長埔亭抵長埔鄉小洋中或右更分小

小支達官路過鄭洋章坑舖至三折橋為中區界丑支路歷麟洋  
南坑佛堂前霞披上舖張地左右各分小支

右為閩清界左至后官理長萬與南區界 乙幹路通下都油洋溪  
尾上下洋乙幹亦歧兩支 支路左通中區瑞應知支路而西路於

是告終 右歷赤漆田頭通中區界竹口

北總幹路以北門過溪為起點自北橋亭踰文殊山山頂有亭巖然  
祀泗洲佛今名泗洲亭嶺下為大坪口 本名太 度仙亭嶺舊有亭祀

平口

度仙亭嶺舊有亭祀

今新建者殊小 右過牛皮湖度雁嶺為第一支路越古岸度清涼橋  
有寺曰清涼寺頗壯麗蓋自出北門十里而至清涼街也街分甲乙

丙丁四小幹路乙內居正北界線甲屬北東丁屬北西界線甲乙小  
幹路均從下墩洋小田左行過小田橋歧而為二甲幹路踰梧嶺既

越嶺望之翼然則梯率亭在焉歷過嶺土門限南洋溫湯舊有溫泉  
今不知處矣陟帶崎嶇嶺極其一石橋為赤岸東坑二水所匯而東

出臺口者潤泉如練則北來一濤涼境也其巔為坂斗鄉由清涼街  
四十里抵赤岸分支路二 子支路左由丹洋丹宅達湖洋三十里與

界丑支路右由洋裡後園 侯官界或由丹宅歷翠雲二十里與東區  
前山二十五里與侯官界乙幹路從小田歷大汾嶺下符林險寒嶺

嶺建亭三以憩行路越北山石埭下山大洋張洋與侯官界丙幹路  
永泰縣志 卷一 地理志 三十

從清涼街入七里鄉度嶺曰七里嶺歷數百級為第一亭次為嶺頭  
亭又次為清水灣亭又次為勸義亭又次為水痕巖亭又次為將軍

亭亭六而嶺盡矣歷鳳際南陽抵白雲計清涼街至此亦四十里分  
支路三 支路由藤巖頭上東溪嶺過松洋嵐頭格與侯官界知支

路由油麻嶺入雙溪帽炭巖店左走高浦坑雙溪梯頭格與  
侯官界辰支路由夫人宮歷禮照林鼎 丁幹路由清涼街取道黃

緊嶺下右臨嶺至大限隔與閩清侯官界 土窩鐘石度鐘石亭再度村尾亭歷村尾鄉大搬琵琶灣湖頭店至

馬家亭亦分支路三 已支路由馬頭禮過隔至鄭洋與閩清界午支  
荷江地嶺與閩清界或由雁門達盤谷與西區界未支路入溪坪此

嶺名洋嶺歷亭二抵名洋鄉達樟江大坵征洋巖下與閩清界此  
北道之大畧也

鄉里都圖 安日保安日待且日元補日光德日新豐日高蓋日官

安日保安日待且日元補日光德日新豐日高蓋日官

安日保安日待且日元補日光德日新豐日高蓋日官

安日保安日待且日元補日光德日新豐日高蓋日官

安日保安日待且日元補日光德日新豐日高蓋日官

實曰唐元日龍津日義仁日感應日保德日英達分都三十六  
以一开始以三十六終領圖九計豐和鄉圖二中和鄉圖四和  
三鄉圖

豐和鄉 永安里合一部二部三部統圖一計村二十一都統圖一計  
四都五都六都七都又合待且里八都九都十都

中和鄉 元輔里合十一都十二都統圖一計村三十五又分十三  
十九都高蓋里二十都合光德里十六都新豐里十八都

和平鄉 德津里二十一都二十二都統圖一計村六十五官賢里  
都二十一都統圖一計村六十三都統圖一計村三十一都

和平鄉 保德里三十一都三十二都統圖一計村三十六又分三十  
五都三十六都統圖一計村四十二

按舊志系村於都系都於里系里為鄰而未將某都某村分屬明

永泰縣志 卷一 地理志

三十一

自又未將縣東南中西北區域劃清且遺却三十都致三十都為  
寒洋上孟張地西塘東洋下村焦坪小孤葉洋巖下茂峰等十一  
村本屬和平鄉感應里今土人稱中和鄉感應里意者亂離之後  
相傳失實歟抑前屆修志時已缺三十都如現屆之缺九都十一  
都三十五都歟更核三十三都三十四都地點均與現屆名稱不  
符無從查悉茲將舊志原有村落照民國四年官劃保衛團轄地  
分屬六區其村大失載者補之而仍錄舊分鄉里都圖於前庶乎  
一目了然

縣區

城內 東門外 現為大南門外 水門外 西門外 北門外 後

龍 小東亭 欸驂亭今亭地其地無知之 銀場 下林 高峰

大坑 北港現無人居 太原 方厝街 湯洋 穴利 南蕉瀨 溪鐘

六洞 湯口尾 連埕 后奮 火燒橋 井崙 鳳落 嶺頭

暗關 張山面 長廳裡 存邊 洋山島 太平口 六角坑

湖台 布泉 庵後 彭坑 嶺面 巖下亭 陳山洋 北蕉

瀨 豪溪 後城 尾蔴壠 下坂 龍江園 馬洋 青竹坑

白沙 瀨頭 老虎番 院前 赤嶺 南村 陳山興福湖 對

山 馬附 東坑 仙溪 古德湖 桃源洞 七斗 樓梯石

鼎片梁 王庭坑

東區

永泰縣志 卷一 地理志

三十一

窩際 隔頭 鍊場尾 限頭 公富 豐登 石圳 金沙 石

墘 台口 白鷺隈 草堂宮 過圳 番登尾 貢頭 津裡

鯉潭 俸坑 潮漁 埔邊 豐甯坑 首洲 松巖 七尺坑

蕉坑 大王坑 小王坑 玉坪 滴水巖 牛坪 坑邊 覆鼎

湯口 初坑 下島 王坑尾 巖前 王埕壩 雷壁山 溪

洋 萬石 崙頭坪 古井 埕頭 石壁 溪裡 旗頭頂 溪

南 九老坡 葛嶺 半巷 橫甲 方廣坑 立洋 龍村 太

湖地 滌洋 龍洋 赤汾 巫洋 高洲 三島 牛番 瀨下

溪西 考坑 鹿角 湖邊 龍樓 崙頭 橋頭裡 新坑

王墓 金鷄山 莒口 埕頭 馬鞍 嶺頭 羅秀 塘前 大

樟 北溪 占兜 官烈 洪瀨 東塢 大坪 芋坑 溪埠  
埔崙 大招 湖尾 七里 龍溪 章山 北岸 觀音洋 左  
嶺 東洋 萬溪 前村 大訓 李坪 上草滿 會湖 石門  
坑 左右山 東湖 羅漢裡 上生 龍嶼 創嶺

南區

嚴富 佳洋 三重溪 北溪 大喜 小喜 碧坑 月洲 溪  
口 吉洋 宵洋 石板坑 青坑 店前 村坵即月 烏瓏 白  
塘 石龍溪 笋林 綠嶺 長慶 尾寮在長慶村內 大埔 崎頭即大埔  
陳坑壠即大埔 苑裡 蓮峰 白石 上洋 嚴坑路下 澤口  
覆鼎 滌頭 白口即湖 山兜前 嶺尾 關瀨 陳埔 風坑

永泰縣志

卷一 地理志

三十三

溪湖 盧厝寨 嵩口 白杜湖 龍湖 烏石坂 福卡 半山  
山頭 石門坑一名新金潭 東湖 赤水 金潭 王溪 渡口 北  
巖院 上白沙 下白沙 衡陽 吉坑 吉坂 橫山珍 冲鷺  
蓋洋 湖裡 麻蛇 礁頭 龜脰 黨前 前路湖裡以下六鄉均在蓋洋  
內材頭 扛解前 下林 正洋 南山 北山 嶺兜 珠峰  
半嶺 坪面 石塘 前洋 上西洋 下西洋上下西洋均在南山村內 溪兜  
嶺頭坪 井後 初坑 高山 後亭 北鏡 探墟 土洋  
山寨 湖厝 湖頭 金鱗溪 雙溪 杆林 吳厝前 廠坪  
滌頭 石鼓 紫山 格柄裡 下羅

中區

界竹口 玉尺 赤錫 大毛洋 瑞應 杉洋 雙杆 埔嶺  
白葉 巖頂 葉洋 五福 官秀 黃坑 坂頭 隔頭 白泉  
坑 瓢坑 蕉坪 念後 龜嶺 龍下 坑頭 山禪 崎兜  
劉山 溪門 雲嶺 坂坪 赤皮洋 芹菜湖 盤洋 古祿  
湯泉 饒尾 埔埕 格理 格洋 南坂巷 溪口 椿陽 獅  
尾寨 溪底 淡油 考湖 番洋 鵬程 後店 坂中 村頭  
前園 飄竹 西林 梧桐尾 長塢 中洲裡 美湖 后源  
宮 赤岐 新宅 清溪 何厝瓏 三斗城 坵演 白城 小  
坪 長泰洋 棋兜 苦坪洋 大渭 白杜 溪北 青坑裡  
潭頭 筓杯石 傅築 寒潭

永泰縣志

卷一 地理志

三十四

西區

盤谷 下洋 下發 江洋 番洋 東坑 鄭坑橋 石鼻裡  
下都 滌頭 下壘寨 塘池 鐵場 石鼓 滌尾 下院 曹  
溪 王洋 店裏 蒼霞 麟洋 龜洋 龍門 洋尾 朱洋  
榮門前 官路口 橋頭 上洋裏榮門前以下四村均在盤谷村內 院裏 南坑  
半山即慶山舊志 佛堂前 下湖一名西洋裏 後坑裏 富洋  
南營番 長壠 文藻 鄭洋 王滌或名文滌 章坑 官路 赤洋  
小五十舊志作小姑 秋壠 三捷橋 土溪口 十八重溪 十里林  
龍鍾洋 鐵鑪洋 包了洋 小白杜 芹草洋 大磨一名鄭大磨  
宅即秋壠 觀田即秋壠 輔粥 洋邊 新宅 章坂 泮潭 村樓 上

村均在輔新村內寒洋 上孟 張地亦名西塘 東洋 下村

燕坪 小孤 葉洋 巖下 茂峰

北區

清涼橋 古岸 蘇坑即蘇坂 極樂山 竹濱 村尾亭 北斗 七

里 鐘石 漁溪 馬頭裏 小田 大田 黃潭裏 廣濟坑

雁門 荷峰 官墩 溫嶺荷峰以下三村均屬雁門村內 瀨柄 石牌 鳳滌

利洋 樟洋 明洋 洋口利洋以下四村均屬鳳陽鄉 鳳陽鄉 翔峰舊志

作常豐俗呼樟江 溪坪 蘆亭 白雲舊志作白面 大嶼 松洋 南陽 莒蒲

坑 雙溪 山洋 張洋 大洋 北山 石岸 硯洋 江源

嶺頭 裏東坑 大嶺下 嶺霞 文溪舊志作南洋 葉洋 前

永泰縣志 卷一 地理志 三十五

山 後園 蘭東山 蒲洋舊志作浮洋 帮洋 催洋 牛皮洋 武陵

巖 滑溪 白箬限 坑口 湖洋 翠雲 缸坑 前東坑 大

灣 橋仔下 仙峰 溪尾 桂院 丹宅 丹洋即淡洋 赤岸 北

園 水溝 坂斗北園以下三村均屬赤岸村內 下寨即赤岸前村 帮崎 溫湯

南洋 土門限 箕坑 連山 塗山 梧嶺 梧桐洋 芹洋

東宅 滌洲

論曰合百千萬億之星而成天界合凝流動靜之質而成地球合

鏡石金土之物而成山嶽合溝澮溪河之水而成滄海置水於閩

之全部猶區脫也然腹背手足必各守其經以達於榮衛元氣始

充盈而神以舒周禮大司徒掌建邦之土地以周知九州地域廣

輪之數又職方氏掌天下之圖史記蕭何傳漢王所以具知天下

阨塞者以何之得秦圖書也未史袁燮傳燮為江陰尉常令每保

畫一圖田疇山水道路悉載之合保為都台都為鄉合鄉為縣徵

發爭訟追胥披圖可立決誰謂最爾邑無庸是亟亟為者則東不

盡龍湖黃坑南不盡辜讀西不盡大埔北不盡滴水凡在地域之

內者必此疆彼界洞然心胸耳目周於全境精神貫於四維以斬

永泰縣志 卷一 地理志 三十六

合乎調劑之宜而後可而不然者是方田而不知隴畔也營業而

不計資本也治病而不辨証候也行軍而不諳戰陣也雖未必一

髮之牽致累全局而一孔之穿已成敝衣先民云天下興亡匹夫

之賤與有責焉矧實司牧此四百里也哉

大事志

大事有表棟高顧氏宋呂祖謙名大事記先民有言斷章取義其名或沿而例各異遺事流傳會萃成編理亂之故興罷之年荏苒之響天人之愆恐懼脩省如鑑誠懸纂大事志第三

唐初置永泰鎮治大樟

永泰二年改置永泰縣從今治一云大歷間改為縣

宋宗寧元年通志作崇寧九年改永泰為永福避哲宗諱

乾道二年天寶瑞雲寺石橫山而行齧地成溪石上復生龍爪花是歲

游國樑魁天下

四年游洋民鑿井二丈餘得石有文曰石上狀元明年鄭僑及弟亞之者為石清源石

永泰縣志 卷一 大事志

宗起

明洪武四年山寇溫九抄掠鄉里有司捕之逃去尋復來寇義士楊

惟義率眾圍獲之

正統八年沙尤鄧茂七作亂福州山賊因之攻劫諸縣永民死者不

可勝計先是西北鄉民有俚言曰今日殺東嶺明日殺西溪飢寒

悍兵手寧吞猛虎喉至是始見見奉治雜錄

十三年尤溪人僑永者以眾應鄧寇先是尤溪貧民備於永永人奴

隸遇之至是率眾侵軼我邑所過屠滅井里為墟

成化十九年六月大風兩拔木壞公署民居

二十一年三月雨至閏四月不止大水泛溢民多溺死

正德十二年四月地震是歲凡五六震皆有聲

十四年雨雪平地五六寸高原至二三尺

嘉靖三年始城永福縣

五年正月至四月不雨知府汪鳴盛奏蠲是歲租賦

十一年雨雪犬皆吠

十八年四月颶風大作屋瓦皆飛

二十一年三月雨至閏四月民多溺死繼復大疫死者無算

三十三年大飢巡按御史何維柏賑之

三十五年有海鹽精迷入犯者多死民間晝夜擊金鼓防守月餘乃

絕

永泰縣志 卷二 大事志

三十七年李樹生桃

三十八年五月五日倭寇突至屯於溪口適兵備使者由泉州將千

餘人入會城假道於縣經宿聞倭至急引兵去知縣周煥率士民留

之弗得獨留浦城兵二百人煥乃集民兵與浦城兵分據共守寇環

攻之急東南民殊死戰寇中藥矢死者百餘人勢少却會浦城兵守

三舖者先縋去西北二門守者從之三舖及西北民皆從之寇由三

舖上城遂陷時五月十二日也日已曛東南民尙力戰然勢不可為

矣煥與鄉宦黃楷林居美諸生林槐林大有義士謝介夫黃浩張麟

皆戰死時浦兵有善大有者挽之使去大有噙其腕絕之遂遇害林

番永福倭變記明嘉靖三十八年己未夏五月十二日倭千餘攻陷永福時知縣周煥由歲貢歷訓諭新任斯士典史趙誠入覲回至尤

漢聞警觀望不與難先是倭掠洪塘有望水界匿者賊因尾焉周令  
令燒城外屋絕賊巢獨處廷杖重光寺僧賄用事林向芳屋存且供  
賊賊樓為累檄千德林泰兵至郭坑不及適委浦兵三百而去倭遂  
回兵千餘知縣拊紳百姓咸再四懇留不聽委浦兵三百而去倭遂  
逼城固令以民間浦兵守令巨家供西北富民背大輔梁杰張元仲  
柯榮張宗鑾等以惡具餉兵怒曰毋攻急急即離去不汝守也西北  
關之豫為去裝獨東南兵民協力守賊中流矢累有死傷且鳴螺  
自去矣適東樓伏即機失火煙漲西北兵謂攻將陷繼去訓導黃紹  
藥監生張宗亮守西門相率空西北從之賊乘勢入時申刻也東南  
守猶力覺始奔匿焉為令東樓被執至新安并支解印失同時死者  
三百餘人紳衿則林居美林訓黃楷黃棟林大有編民則黃浩張麟  
等皆東南出死力所以罹禍獨慘也計燒民屋六百餘間及縣堂三  
城樓烟火連天再易日賊去半舟半陸擄男女百餘丁口永途荒矣  
初周令實縱民散費遺生員顧潮運出庫金亦別移折色米石斗  
級領出支給訖特千總與兵備道故遂及於難可概也夫抑又聞之  
時凡二日風外向是午反風蜻蜓蔽天賊作虎吼聲東樓殺狗厭之  
犯道家忌遂失火放城造甲申道家謂殺在巳午未據歲月考之固  
未年午月未日也陷始申方時又申刻信然耶否耶方監司查覈功  
罪未詳余何敢言第據事直書以示後守城  
者且以慰九京也是為記錄涪川林氏家譜

永泰縣志 卷一 大事志

二

倭既陷永城其黨分掠各鄉燬白雲三峰寺唐咸通二年建寺僧百餘聚殺  
戮殆盡掠其貲以去

四十年漳人王鳳以種菁失利聚眾據二十八都為亂不旬日至數

千人監司發兵擊賊糧糧不足百姓皆逃匿獨利洋人耶俊出家

財持詣軍學給食兵得無飢俊又散家財號召邑中豪傑得六百

餘人自詣縣請擊賊乃率眾迎賊於九龜里與戰殺數十人俊亦

身被數創而死明年巡撫劉籌遣將滅之西北諸都殘燬蕭然

四十三年八月大水衝壞城郭田廬人畜多淹斃者

萬歷十六年靈芝產於知縣內宅一本三華燦若錦綺十七年十八

年皆產

十七年正月汀人邱滿聚眾據陳山為亂知縣陳思謨請於巡撫趙  
參魯遣把總王子龍滅之

十八年烽洋小姑西林赤皮赤水諸處客會盟為亂而烽洋賊曹

子貴包二等先發建旗殺掠屯於大埔之礮頭知縣陳思謨與邑

人典儀張仕朝等乘其未會率鄉兵勦滅之

四十一年大水壞城郭田廬有刀星現

崇禎三年水

十七年七月朔夜大風拔木空中隱隱有兵戈相鬪之形

清順治三年八月邑寇陳乃孚為亂乃孚名君陸本長樂人冒入永

庠素見凌於豪族時唐王據閩乃孚集亡命千餘人以勤王為名

永泰縣志 卷一 大事志

四

陰欲修怨於永二十一日乃孚屯兵重光寺託言操練有知其謀

者大呼於路曰乃孚反矣人皆驚竄城門遽閉乃孚見事洩遂放

火斬關而入焚縣劫庫素有睡毗咸遭屠戮知縣明宗室朱由楮

闔門皆死於火由楮被執不屈死之十一月四都寇黃關周等又

擁眾攻城殺乃孚一家焚其居室知縣翁日寶死之

十二月邑寇趙子章攻掠白雲居人遠避賊盤踞四閱月飽其所欲

乃盡焚廬舍而去

四年七月有大星隕於西聲如霹靂又虎豹傷人

五年大飢山寇陳思皇陳德培四出劫掠攻陷城池縣主周星炳逃  
於花壺嚴殉節

docsriver 文川网  
入驻商家 古籍书城

在文川网搜索古籍书城 获取更多电子书

七年正月大雪盈尺

十年三月有白氣如花如毬飛揚滿天良久乃散

康熙二年閏六月大水十月彗星見西方百餘丈

十三年三月山賊陳德元老虎三馮騃二乘耿精忠反攻城焚劫見

城上有兵戈鐵馬火光燦爛蓋神兵也不敢攻而退

十九年大飢七月大水流重光寺二門金剛廟東鎮樓流民載道知

縣董治國請發倉穀在重光寺煮粥賑卹十月彗星見

二十年大旱禾稻絕收

四十八年坪街火

四十九年旱大飢十一月火焚縣東門外文昌閣

江續早災行我今號泣呼嗆蒼胡爲

永泰縣志

卷一 大事志

五

慘降此災荒田禾穉死人流亡窮黎烏有顆粒藏客秋收米價昂道建彼此遙望今春二麥登塲耕田鼓腹幸小康四月之杪雨沱滂乘水翻犁插秧繼以耘耔頗多忙語意從此日亢陽兕龍鼓角噴噴嗚呼嗟早魃太猖狂焦金燼石火繼張羅田曠乾龜坼長雖或微雨灑甘霖禾復抽青蘇黃無如烈火炎猶強乾陽映映生角芒再發三發起復枯莖不實盡批糠榜溪一帶近水鄉桔槔梯上掛山梁其奈五里十里空皇皇涸流早已竭池竭可憐三時作苦脫袴裳有秋失望空倉箱從茲婦子泣嗷嗷剝地掘草日不遑如此赤地遍村莊飢民何以度星霜安得採荒大力濟時方一爲援手起我瘡積財積福試施商我言未已墮落涕雙行見草

五十八年大水壞壩口永濟橋

雍正十二年七月泮池上聚五色雲精華層擁祥光耀目

乾隆九年十二月二十三日余德海倡亂劫奪十九都白雲殺增生

黃正拔二十六日知縣駱騏驎防千總趙才巡檢傅幼學擒獲之

十六年七月十四日颶風大作飛瓦傾樹

十七年七月初八日東門外大水

二十年春二月雨雹

二十一年東門外火

三十五年大水衝決堤岸

五十年八月北鄉清涼橋圮於漲

五十三年正月二十九日大雪

六十年四月大飢斗米易錢八百文

嘉慶二年秋霜隕禾穗

十二年南鄉虎患

十三年九月初十日東門外火

十四年七月有大星從東墜及天半分爲數星隕如雨

十五年正月初二日雪如掌色赤

十六年八月十七日水漂民居無數

十八年有秋

二十一年四月清涼街火

道光五年九月地震有聲如雷民居多損壞

二十二年七月大水淹民居廬舍倒塌城中水入縣署乃取頭門永

福縣懸額投巨浸中水勢始退

咸豐三年德匪林俊倡亂四月陷德化五月初十日知永福縣劉用

永泰縣志

卷一 大事志

六



錫借憲委王師儉張德靜帶勇二百名赴嵩防堵六月二十日斬匪偵探於壽春寺

是歲飢

四年大飢斗米價錢九百文

七年德匪竄擾各處知縣劉用錫協全委員陳春熙遍赴各區勸導

鄉團並於張地築礮臺禦之

同治三年七月初七日嵩口水圍地百餘畝變為深潭王森芝秋漲

飢民來搜葦前屋溪之限忽然連日雨不止溪流暴漲疾如駛倉皇避水移城頭飢民苦旱今苦水旱旱為虐苦難言淫穢如瀾尤

聲吞土人哭道稻將熟新種泥塗波底綠見憶蚌山房巢鈔

八月彗星屢見

永泰縣志 卷一 大事志

七

十一年春陰淋彌月鹽價湧貴

光緒二年三年連飢

十六年五月二十八日三十三都小溪大水計流棺木一十九具漂

沒人口百餘壞田地千有餘畝知縣沈俊親赴該地勸災頒發賑銀二百八十三元省賑濟局陳景

詔領發賑銀三百元

十八年十一月二十九日大雪積地三尺

二十六年六月大水壞廬舍陂塘

二十八年夏旱鼠疫作自是連歲苦疫死者枕藉疫之作也鼠必先斃故人呼為鼠疫

宣統三年七月十一日有黑雲起天半團團如車蓋最後垂尾數十

丈搖曳空中閃爍眯目

民國元年八月初一日一都水漂店屋無數以舊歷紀下做此

三年二月至六月德匪連劫三十六都上南山鄉下南山鄉及湖頭

嶺兜石塘等鄉

復更水福為水泰以廣西亦有水福縣故也

四月初八日三十六都長潭村杉木廠獲尤匪池阿安兄弟兩人暨

蕭阿富等即時解送后亭營劉連長處劉派隊押回尤邑中村就

地正法查池阿安係匪首蘇億偽南營將

六月初二日尤匪蔣子游陳子江林德煥等劫掠三十二都蓮坑鄉

侯坦書等計居屋被燬六所辦團生員侯占箕遇害擄生員侯海

觀暨侯方招等五人

永泰縣志 卷一 大事志

八

二十三日三十二都大埔鄉協全長慶上洋嶺兜東洋等鄉以鄉團

攻后寮匪巢斃匪十七人團兵陣亡十二人傷亦十餘人時陣亡者林德

邦林事發林事新魏在遠張堯智葉堯輝朱乾定朱道珍朱劍滿侯國運葉春木魏等厚四年五月收其骨歸葬大埔之南標其碼

日義民之塚

七月獲尤匪林崇取洪阿言張德泮張阿蕭均槍斃

十一月二十八日匪掠赤嶺鄉殺居民林登源

四年春尤匪焚掠赤嶺鄉上際鄉

三月十七日尤邑匪首蔣子游張來源被獲送省正法

六月十三夜匪掠三十二都溪兜槍傷三人斃一人

秋德匪蘇望舉尤匪林德煥鄒麒麟等連劫蓋洋鄉殺居民鄭宴章